

佛祖統紀

廿九卷
三十

風陵文庫

文庫19

F229

10

淨土立教志第三

佛祖統紀卷二十九

山門禪定
蘭若藏本

太宋咸淳四明東湖沙門

志磐

撰

往生高尼傳

宋道場法盛法師

宋丹楊道爰法師

宋金陵法藏法師

唐積善淨真法師

長安

唐廬山悟性法師

宋錢唐能奉法師

宋四明慧安法師

往生雜衆傳

隋汶水二沙彌

宋雍州童行師贊

宋錢唐童行曇遠

宋會稽大善童行

宋仁和倪道者

往生公卿傳

唐太傅白居易

唐觀察使韋文晉

石翰林學士張抗

附翁兒

宋少師鍾離瑾

母任夫

宋朝請鍾離景融

瑾之子

宋崇道鍾離松

景融之孫

宋主客楊傑

宋侍郎馬亮

宋朝奉馬玠

亮之子

附

宋宣義馬永逸

玠之子

宋宣義胡闥

宋朝散葛繁

宋侍郎王古

宋司諫江公望

宋朝散王衷

宋助教張迪

宋通判賈純仁

宋縣令梅汝能

宋給事中馮檣

宋侍郎吳秉信

宋丞相錢象祖

宋司士王仲回

宋處士庾詵

宋龍舒王蒼休

宋居士房翥

宋儒士孫抃

宋居士王闐

四明

宋居士孫忠

四明

宋學諭曾定國

四明

宋畫錦樓分

四明

往生士庶傳

隋恒州宋滿

梁東平高浩象

唐法忍山老人

唐滎陽鄭牧卿

唐長安張元祥

唐長安李知選

唐京口元子平

宋天台左伸

宋武林范儼

宋錢唐沈銓妻施氏附

宋錢唐孫良

宋仙潭姚約景懿法師附

宋松江梅福

宋雪川胡嵩

宋會稽唐世良

宋錢唐陸偉

宋會稽李彥通

宋錢唐陸浚

宋上虞馮珉

宋潭州黃打鐵

宋四明計打鐵

宋嘉興徐六公

宋臨安沈三郎

往生女倫傳

隋文帝皇后

宋荆王夫人王氏侍妾附

宋馬朝奉妻王氏見馬珩傳

宋呂都官妻吳氏

宋武林縣君蔡氏

宋陳承宣夫人馮氏

宋王朝請妻陸氏

宋欽成右姪朱氏

宋周寺簿妻樓氏

晝錦樓君妻周氏

宋松江秦氏

宋錢唐鄭氏

宋錢唐于佛子

宋四明黃氏

宋錢唐袁氏

宋錢唐陳媼

宋武林王氏

宋四明孫氏

宋上虞胡長婆

宋安吉王氏

宋錢唐盛氏

宋錢唐沈氏

宋長安姚婆

宋汾陽約山婆

宋汾陽裴氏

宋汾陽溫氏妻

宋醴泉孟氏

宋汾陽梁氏

宋念佛道者陳氏

曠釋師母

宋吳興陳氏

宋會稽胡氏

宋錢唐孫氏

宋仁和郭氏

宋太平周行婆

宋錢唐龔氏

侍妾干氏附

宋嘉禾鍾婆

宋湖山黃婆

宋雪川朱氏

宋四明淨心女

宋嘉禾周氏

宋常熟陶氏

宋四明項氏

宋慈溪沈氏

宋陳王夫人王方

往生惡輩傳

唐長安京姓

屠業

唐長安張鍾馗

殺雞

唐長安張善和

殺牛

宋會稽金奭

漁捕

宋仁和吳瓊

屠酈

往生禽魚傳

唐裴氏鸚鵡

宋長沙鸚鵡

宋觀師鸚鵡

宋劉成魚

本朝飛山戒珠始集往生傳厥後侍郎王古加以續傳南渡以來錢唐陸師壽又增續之四明默容海印復為續于後凡二儒二釋繼成此書今並刪削繁文獨著平時念佛臨終往生之驗俾修淨業

者有所慕焉

往生續遺

隋江都慧海法師

并主會集

宋斗時是

唐身安

并主會集

往生高尼傳

法盛居金陵道場寺習十六觀想一夕禮像遇病假寐見大士乘雜華雲出寶色光前來相迎時諸尼款門問疾咸見光明迸溢盛曰佛及菩薩放光度我言竟而絕

道爰丹楊人先於諸寺造大像七軀務極精麗又冶金銅造無量壽佛像忽於眉間放大光明地皆金色像與爰記曰汝舍此身必生我國即於像前端坐而化

法藏居金陵勤志念佛夜間見佛菩薩來慰問光明照寺奄然遷化

淨真居長安積善寺。納衣乞食。誦金剛經十萬遍。專志念佛。語弟子曰。五月內十度見佛。兩度見淨土。寶蓮華上童子遊戲。吾已得上品生。言訖加趺而化。祥光滿寺。

悟性居廬山。念佛願求往生。忽聞空中音樂。謂左右曰。我已得中品生。見同志念佛精進者。皆有蓮華生寶池中。以待其生。言畢而逝。

能奉錢唐人。專修淨業。常夢佛光照身。或聞諸尼善言開發。一日無疾告其徒曰。吾往生時。至少頃聞奉誦佛聲。厲奔往視之。則合掌面西坐逝矣。異香滿室。樂音西邁。

慧安居四明下水大魁姚穎之屬也。住小溪楊氏菴。專業西方。誦金剛般若。寒暑不易節。常於室中佛光下燭。一日示疾端坐。以手搖曳。戒衆人勿諠。移時曰。佛至矣。令衆念佛。倏然脫去。壽九十六。往生雜衆傳。

隋汶水二沙彌同志念佛經五年。大者先亡。得生淨土。見佛欣慶。即白佛言。有小沙彌與我同修。不識可得生不。佛言。汝本無心念佛。由彼勸汝。汝今宜還益勤淨業。三年後可同來此。至期佛與衆聖自西來迎。大地震動。天華飄舞。是二沙彌一時俱化。

魏師贊雍州人。爲僧童年十四。念佛不絕。遇疾而亡。

忽再獲白父母曰阿彌陀佛來此兒當隨行鄰人見空中寶臺五色異光向西而沒

何曇遠錢唐人持菩薩戒修淨土業夜中念佛忽謂師曰見佛身金色膺華滿空異香盈室俄忽化去越大善寺童行常隨師善輝念佛禮拜一夕夢婦人持數珠賣童曰欲得一穿恨無錢買婦曰我當與汝汝可開口即以數珠投口中童以告師輝曰此是大勢至菩薩授汝念佛三昧也過數日童見一大士持華座與之曰七日當乘此來生淨土童逢人即說我七日當往生也至期忽自唱曰菩薩來矣即座而化倪道者仁和人棄家作道者建小巷專意念佛欲焚

身代一切受苦衆生供養諸佛久之有朱藤三窠卧榻前謂衆曰此藤若焦我當西去臨終半月集衆念佛至于萬人焚身前一夕其地忽有光明金色高半尺許以手掬之隨浮掌上又謂衆曰我焚身時必有紫雲青雲從東北過西南是我往生之相乃四面發炬端坐其中果有二色雲瑞

往生公卿傳

居士附

白居易號香山居士官太子太傅初勸一百四十八人結上生會行念慈氏名坐想慈氏容願當來世必生兜率晚歲風痺遂專志西方祈生安養盡西方變相一軸爲之願曰極樂世界清淨土無諸惡道及衆

苦願如我身病苦者。同生無量壽佛所。一夕念佛坐榻上。倏然而逝。唐

韋文晉。位觀察使。建西方道場。念佛發願。一日正念佛中。忽面西加趺而化。異香滿室。唐

張抗。仕石晉。為翰林學士。課大悲咒十萬遍。願生西方。一日寢疾。唯念佛號。忽謂家人曰。西方淨土。祇在堂屋西邊。阿彌陀佛坐蓮華上。見翁兒在蓮華池。金沙地上。禮拜嬉戲。良久念佛而化。翁兒抗之孫也。

鐘離瑾。會稽人。位至少師。幼事母。任夫人。夫人精修淨業。年九十八。起居如常。忽戒瑾曰。人人有个彌陀。奈何。拋去。念念無非。極樂不難歸來。翌日。予將行矣。

及晨起焚香誦佛。過於常課。合掌而化。瑾日課利益二十事後。宰吉水。置一妾。從其女嫁。審之。則舊令之女。報所親。緩納采。擬先遣前令女。所親復書曰。公安得獨為高誼。子有猶子。請平分。匭具。俾同親迎。公從之。忽夢舊令來謝曰。賤息荷收錄。已告之上帝。當十世有土。然公更一紀。應生淨土。尋為浙西憲。與慈雲懺主論往生指要。清修彌篤。自夫人有栴檀佛像。常頂戴行道。公繼其志。像眉間。忽迸出舍利數粒。未幾知開封府。忽夜半起。謂家人曰。夫人報我往生之期至矣。即加趺而逝。前一日。舉家夢公乘青蓮華座。仙樂異香。海衆迎之西去。計其年正一紀。宋

鐘離景猷少師第七子官朝請大夫常誦觀經念佛
不輟挂冠棄仕結茅儀真東園側掌曰識得彌陀彌
陀彌陀不識彌陀奈何奈何不識彌陀彌陀更在西
方外識得彌陀彌陀祇在自己家一夕命僧妙應誦
普賢行願品炷香敬聽畢兩手作印而化自任氏少
師大夫三世得生淨土曾孫松居于婺乾道中奉祠
吳郡與寶積實師東平呂洎等結社念佛無所疾忽
端坐西向合掌而化

馬亮官侍郎守杭詣靈山學淨土業慈雲爲撰淨土
行願法門淨土往生略傳臨終念佛而逝子玠朝奉
又依十疑論用心在官閱教藏誦經念佛皆有常課
忽一日易衣念佛端坐而化有氣如青蓋出戶騰空
西去凡筵時現瑞光玠之子永逸官宣義每習十六
觀歷三十年忽見三聖來迎結印而化頂熱有異香
玠之妻王氏修十念法持破地獄真言嘗夢地獄丰
者謝以持偈咒之賜後因寢疾念佛而亡親戚侍妾
咸夢王氏言得生淨土

胡闐官宣義侍郎胡則之子晚年致仕笑傲西湖與
清照律師相善一日有疾問律師曰一稱佛名能滅

八十億劫生死重罪何也師曰佛大威德衆生一掃其
其名罪垢自消如赫日正中霜露何有闍大感悟十
心念佛請僧為之助一日律師至闍曰荷二大士降
臨臨甚久師為懺悔發願忽厲聲念佛安坐而化
葛素澄江人少登科第官至朝散九官居私舍必飾
淨室安設佛像每入室禮誦舍利從空而下善勸道
俗同修淨業甘服其化有僧定中遊淨土見景與王
古侍郎同遊寶池行樹之間俄聞繁無衆而化
王古儀真人官禮部侍郎與晦堂楊岐真人在堂作
直指淨土決疑集楊傑為序又為補注生淨土傳皆
行於世平時志在往生西方臨終無所苦忽滿室光

明端坐而化有夢古乘蓮華西去者

江公望釣臺人官司諫少年登科疏食清修述善提
文念佛方便文以勸道俗有子蚤亡託夢舅氏曰欲
稟大人乞就天寧寺看寶積經庶得生善處大人修
行功業已成其府有金字牌云嚴州江公望身居言
責志慕苦空躬事熏修心無愛染動靜不忘於佛法
言談罔失於宗風名預脫於幽閑身必歸於淨土宜
和末知廣德軍一旦無疾面西端坐而化

王衷居錢唐孤山即林和靖之故迹隱居自適政和
間舉隱逸朝廷旌以處士後官至朝散大夫潛心淨
業有大感悟日誦弥陀經七過佛號萬聲十九年未

掌間絕一日無疾沐浴面西加趺而化

張迪居錢唐官助教從圓淨律師授菩薩戒咨問淨業法門然臂香以爲誓每念佛揚聲勇猛至失音猶不已一日謂圓淨曰弟子近於靜室見白色頻伽飛舞于前又觀想中見嬰孩綠髮合掌問訊後三年念佛西望而化

賈純仁雪川人官至郢倅潛心淨業長齋念佛因微疾西向宴坐而逝頂上白光圓相異香滿室

梅汝能常熟人仕至縣令嘗有志淨業念夢僧授紙百幅繫破爲二八字以問東靈照師師曰二八十六也豈十六觀經之謂乎適一僧以經與之忽不見自

是誦經念佛取名爲往生以見志因邑中破山道生師造丈六彌陀像汝能施財百萬爲之妝飾設齋慶俄殿前池中生雙頭白蓮一朵其華百葉當年冬汝能無疾而終未幾道生亦亡

馮載運寧人號不動居士由太學登第初訪道禪林晚年事崇淨業作西方禮文彌陀懺儀歸鄉郡作淨土會感香爐中白光亘天舍利應現靖康兵厄名山藏經多煨燬積奉資造大藏經四十八藏小藏四大部者亦四十八藏造栴檀彌陀像九品化生隨身奉供以給事中出帥瀘南率道俗作繫念會及鎮長沙於願事設高座著僧衣登座誦官吏橫拄杖於膝

上而化

吳秉信四明人。築菴城南禪坐。製一棺。夜卧其中。至五更。令童子擊磬。而歌曰。吳信叟歸去來。三界無家不可住。西方淨土有蓮胎。歸去來。聞唱。即起。禪誦。檜相亡。召爲禮部侍郎。後被召至。蒲山驛。令家人靜聽。空中聞天樂之聲。即曰。清淨界中失念來。此金臺既至。吾當有行言訖而逝。

錢象祖天台居號止菴。守金陵。日問道於保寧。全無用。尤以淨土真修爲念。嘗於鄉州建接待十處。皆以淨土極樂等名之。創止菴。高僧寮。爲延僧談道之所。自左相辭歸。益進淨業。嘉定四年二月微疾。書偈曰。

前昔我從佛國來。流離地上絕纖埃。我心清淨超於彼。今日遙知一朵開。後三日。僧有問疾者。公曰。我不貪生。不怖死。不生天。不爲人。唯求生淨土耳。言訖。加趺而逝。時天鼓震響。異香芬郁。未終之前。子姪郡人同夢。空中有云。錢丞相當生西方蓮宮。爲慈濟菩薩。王仲回無爲人官司。上參軍。因楊傑爲說淨土之法。念佛三昧。未亡前七日。預別故舊。端坐而化。時傑守丹陽。夢仲回來。謝云。向蒙指示。今得往生。再拜而去。已而訃至。

唐訖新野人。蔬食布衣。不事產業。少與梁武帝善。詔爲黃門侍郎。不赴宅內立道場。六時禮懺。誦法華經。

忽後夜見一道人自稱願公容止甚異呼號為上行先生授香而去後寢病驚覺曰願公復來不可久住舉室咸聞空中唱上行先生已生彌陀淨土詔謚貞節處士

王日休龍舒人為國學進士著六經訓傳數十萬言一旦捐之曰是皆業習非究竟法吾其為西方之歸即布衣蔬食惟佛是念日課千拜夜分乃寢嘗為淨土文十卷簡易明白覽者無不信服一夕寢夢念佛久之忽曰佛來接我也屹然立化邦人夢二青童引之西去

房耆暴亡入冥府王曰據善簿君曾勸一老人念佛

後已得生淨土君乘此福亦合得生書曰尚欲誦金剛經萬卷既而放還後卒償其願終異相不違先報

孫抃武林人號無諱居士母龔氏幼學易因曰易所以窮理盡性何必區區為進取計掩關晦迹居絕俗務沙門守寧與之交謂曰白樂天以儒修身以釋治性君聞之乎抃深契僧語日閱華嚴金剛彌陀經等夢至蓮池與清照亭律師同立其側又夢一人持書金字梵體讀之不辭人曰請十三日齋耳十二月十三日忽得疾請妙光律師欲為祈禱抃曰生死已定何必禱之乃興開導往生淨土之旨即加趺作即西

向坐化翌日清照至爲人齋歸菴三日亦坐亡應同立蓮池之識

王開四明慈溪人號無功叟凡禪林宗旨天台教門無不洞達著淨土自信錄以明三身四土之旨晚年專心念佛西向加趺而化異香滿室焚香獲舍利如菽者百八粒

孫忠四明人蔬食持戒慕西方於郡城東築菴鑿二池種白蓮臨池建閣月集道俗念佛期以三日後於病中請道俗百人繫念忽仰視虛空合掌問訊手結雙印怡然而化闔城皆聞天樂異香漸向西沒二子相繼念佛坐化掌因念佛見佛身現空中即白佛

三惟願我佛少駐使我二子同獲瞻禮即走外尋二子歸佛爲駐立良久後人因名其地曰駐佛巷又有事迹

見久法華傳

各定國號省齋爲州學諭常念佛讀淨土諸經結西歸社以勸人嘉泰初於小江慧光建淨土院結石塔於池心爲鄉民火焚藏骨之所卽施念佛圖月三八集僧俗就淨土院諷觀經念佛以爲常嘉定四年夢青童告曰佛令召君三日當生彼國至日沐浴更衣端坐念佛而化

樓汾內明畫錦名門也因兄寶洲究明佛理每與沙門談道汾必從旁樂聽年二十二忽得疾乃一志西

歸謂父母曰。但得生淨土。見佛。此道最高。仍令請僧。說法開導。諷觀經。設像懺對。卧牀喜曰。真我師也。復請僧念佛。子聲即曰。吾已身在西方。乃瞑目。面西念佛而化。

往生士庶傳

宋滿。隋時恒州人。念佛以小豆記數。滿三十石。設齋。夢讀佛二大士。化作三僧。至會乞食。滿曰。弟子願生西方。師來赴食。深劇本心。事畢。即見天華異香。乘空而行。未久。滿遂面西坐化。

高浩。象東平人。杜門靜坐。專誦無量壽經。觀中沈紅。葉於玉沼。初未見佛。乃即華上。傾心致敬。遙瞻佛之

金容光輝。遠映一夕。見衆菩薩來迎。奄忽而化。

并州汾陽老人。於法忍山。借房止宿。念佛忽大光徧照。人見其登蓮臺而去。

鄭牧卿。榮陽人。學家念佛。唐開元中。病篤。有勸進魚肉者。確乎不許。于執香鑪。求願往生。忽異香蔚充。奄然長逝。舅尚書鵠。頌夢寶池蓮開。牧卿坐其上。

張元祥。長安人。常念佛。不輟。一日。健家人云。西方聖人待我齋畢。同往淨土。及事訖。果索香火。加趺面西而化。

李知遠。長安人。率衆爲五會念佛。

唐大歷中。法照師於衡州開五會念佛。

佛。今李知遠爲五會。應是師伏於法照五會。若當是五日。爲一會也。忽出堂。向空頂禮。

空中有聲云報汝李知遙功成果自招引君生淨土同汝上金橋即就牀端坐而化天香郁然

元子平依京口觀音寺念佛誦經忽聞空中音樂即西向坐化異香數日不絕

左伸天台人從神照授菩薩戒刻三聖像誦法華三千四百部金剛二萬過後臥疾命男沙門淨圓唱法華首題增受菩薩戒夢三偉人立江皋召伸登舟復請僧誦彌陀經遽曰我已見佛光即端坐作印而逝范儼家武林讀法華經念彌陀佛常日不發忽見普賢菩薩來報當生淨土越一夕佛菩薩來迎家人聞其謙謝云儼是何人實為難當就座合掌而化

沈於家錢唐同妻施氏專心淨土請照律師依觀經繪九品往生圖印施般若經供佛飯僧徑山天寧五刹并建大殿像平時諸善悉用回向銓及施氏前後命終皆感化佛持鉢接引西去

孫良家錢唐隱居閱大藏尤得華嚴之旨嘗依大智律師受菩薩戒日課佛萬聲二十年不輟忽語家人令誥僧念佛以助往生方半月望空合掌云世尊菩薩已荷降臨即退坐而化

姚約家雪川仙澤潛心內典有僧來謂必遙居東道謂不當以俗先僧也覺悔友師勸皇人結淨業社約實主其事忽告友曰又厭浮生不自西去師可助此

繫念友遂日興持誦一日就座而化既而夢於友曰約已往生師之力也友曰欲從公遊可乎約曰師世壽未盡寺中景懿行當先至閱月果終懿蓋同社友也

梅福松江人誦經持戒繫念淨土臨終預知即絕食飲水念勢至菩薩至七日溘浴更衣端坐告衆曰勢至菩薩今來迎我即座化去

胡馬家雪川平時多作佛事忽夢佛呼曰汝可造屋迎我當乃往明因建彌陀閣以愜此夢臨終之夕忽云佛放光照我言訖而化

唐世良會稽人持戒茹素念佛禮懺年老疾病猶不

就枕誦彌陀經十萬過謂家人云佛來接我言訖作禮即便坐逝欲別利行人時在道味山夜夢西方異光燿華天樂空中聲云唐世良已歸淨土

陸偉錢唐人為州都掾中年厭世念佛率衆結法華華嚴二社各百許人其法各人在家誦經一卷月終就寺讀誦終日而散如是二十年遂成大會鐸手書法華華嚴楞嚴圓覺金剛金光明等經晚年子孫彫落更無餘累忽一日易衣端坐念佛而化

李彥通家會稽為鍛師因開元繫念往預其會忽悟世無常歸心淨業一朝得疾遽云我遊行淨土見二門高竊甚固逡巡之際見利行人開門引入見蓮池

樓閣佛菩薩衆遂請歸經道果二行人至卧榻前說法策道舉家念佛西向坐逝

陸俊家錢唐少事公門久之棄去以淨土爲業預西湖繫念會每對佛懺悔必至垂淚道友相見說淨業因緣纔十餘句便悲咽感歎惟恐此生之不度三昧之不成往生之未諧我佛之未見也臨終得病請圓淨律師說淨土法門諷觀經至上品淨促之曰此時好去俊曰衆聖未齊且待少時即起就竹林面西端坐頃刻化去

馮珉上虞人少事遊獵有巨蛇爲鄉民害珉持槊往從之見蛇在巖下與黃特相持珉推巨石壓之蛇竟死後每思之慮蛇爲怨對乃求佛解釋投志西方懺念佛如是十載一夕請同修社人相助諷彌陀經念佛號次誦普賢懺罪偈願往生偈即端坐合掌而終

潭州黃打鐵每用工時常念佛不絕一日無病託鄰人書偈云日夜丁丁當當久鍊成鋼太平將近我往西方即座而化

計公四明桃源鐵工也年將七十兩目喪明里中各學諭以壁窠圖印施勸人念佛計公初受一圖念滿三十六萬聲念至四圖兩目瞭然如是三載念滿十七圖一日念佛忽氣絕半日復蘇曰我見佛菩薩令

分六圖與各學諭是勸導之首分一圖與李二公此是俵圖之人囑其子往謝學諭言訖沐浴西向坐逝徐六公嘉興農夫也翁婆蔬食設像繫念如是四十年屢夢遊淨土預作一龕臨行之日易布衣草屨入龕端坐頃之即曰佛來迎我泊然而化沈三郎家臨安商賈爲業晚年回心念佛一日病請僧講彌陀經設尊像日夕西顧忽易衣而終須臾滿膝欲起坐二子以易龕爲難曳脛令直經半日欲舉忽舉手出帛被覆然而坐舉家驚避二子急前扶而恐其子曳脛以肘節撫之子曰助父坐脫耳茶毗有白鶴二十九隻飛翔雲表久之西去

往生女倫傳

隋文帝皇后心敬大乘常持佛號臨終之夕異香滿宮時尼大明與后最愛每念佛時先著淨衣口含沈香忽舉開沈香氣滿室異常頃之有光明如雲來迎向西而去

荆王夫人王氏元祐中事西方甚精恪獨一妾懈陽夫人將逐之其妾悲悔極加精進一夕異香徧室無疾而終夫人忽夢妾起居敘謝因夫人訓責今獲往生夫人曰西方可往不妾曰但隨妾行夫人隨之見二池皆白蓮華或榮或悴妾曰此皆世間發心修西方人也人間纔發一念池中即生一華隨其勤墮榮

悴各異中有一華朝服而坐其衣飄揚隨風消散即見寶冠瓔珞莊嚴其身妾曰此楊傑也又有一華朝服坐上其華稍悴曰此馬玕也復前導數里遙望金壇光明交徹妾曰此夫人化生處上品上生也徐訪揚傑則已亡馬玕則無恙後夫人於生日秉鑪焚香望觀音閣佇立而化荆王梅微宗之子

吳氏縣君都官呂宏妻宏因異僧勸發妙悟佛理吳氏閱金剛經頌亦契空寂夫婦齋戒四十年吳氏忽見巨迹三雙皆金蓮華數日又見其膝又數日見其身數日見其面目即佛菩薩三聖人也及見殿閣界清淨男子人問彼佛如何說法曰我得眼通土

天耳如是三年一夕微恙自言吾將西歸言訖而逝甞事觀音列瓶缶數十以水滿中手持楊枝誦咒必見觀音放光灌諸器中病者飲之必愈世因號觀音縣君

蔡氏縣君居武林早年孀居持經念佛母且禮像二十餘年忽見金蓮華現空中遽索平時修行課目卷而懷之安坐而逝

馮氏少師珣之女承宣使陳思恭之妻少多病從茲受深禪師受教持齋誦佛逾十年益精進謂族黨曰清淨界中失念至此支那緣盡行即西歸一夕語侍者曰吾神遊淨土獲禮三聖夫聞其語即相陪念佛

右脇安卧而逝。三日之間，妙香芬馥。

陸氏宜人家，錢唐朝請王瑱妻，常誦法華。晚年尤篤淨土禮懺。二會念佛萬聲，凡三十載。因微疾，忽聞天鼓自鳴，人方將驚異，即面西端坐而化。兩手結印，續淨土傳。陸師壽者，即其姪也。

朱氏如一，欽成朱右之姪。歸于四明薛君，繡法華經一部，十年而成。至化城喻針鋒綴舍利，如栗連獲數十粒，一字一拜。禮法華者三，於經首題別致八萬四千拜，誦法華經三月，而通刻壁窠圖，勸人念佛，滿十萬聲，所化二十萬人。獨朱氏且夜誦之，不可以數紹熙四年，為寶幢藏繡經，迎歸南湖，飯千僧，為慶讚。

年微疾，諸僧念佛，忽起，加趺。薛君曰：吾家無是法，於是右脇吉祥而化。家人夢乘采雲向西而去。

樓氏慧靖，四明揚帥樓璿之孫。適寺簿周元卿，嘗披味傳燈，發明見地。尤以淨業為具修。晚年被疾，忽見蓮臺紫色，化佛無數，異香滿室。以語家人，亟令念佛，頃刻而化。

周氏妙聰，周元卿之女。每感母氏華臺往生之瑞，常誦經念佛，願生安養。病中請僧行懺，自見其身著新淨衣，在樓閣上作禮念佛。謂家人曰：汝輩當勤修淨業，吾當於淨土待汝。即右脇吉祥向西而亡。

奉氏淨堅，家松江。厭惡女身，與夫各處精持齋戒，閱

華嚴經法華光明般若無量日晨昏修彌陀懺日禮
佛千拜久之有光明入空中面西念佛安坐而化
鄭氏淨安家錢唐念佛誦經日無虛度後得疾膏之
于佛聞空中聲云汝行有期無得自怠又見佛身金
色即奮身起面西端坐令男僧義修誦阿彌陀經條
然而化其女夢母報曰吾已得生淨土可說修師令
知

于佛子秦氏淨樂家錢唐其夫姓于賣魚為業有男
販私商常遭官事秦氏愁苦幾欲沈身子江遇淨住
寺照師勸之曰有此煩惱宿世怨家枉自沈江不如
念佛秦氏醒然回心即燼一指誓長齋三白念佛十

年不怠見一切人皆稱佛子一日請戒行人誦經
每一觀誦佛千聲至像觀忽焉而化

四明黃氏早喪夫歸父舍修淨業臨終稱佛結印獲
地徐行儼然立化家人篩灰於地以驗生處見蓮華
一朶生於灰中

錢唐袁氏因往靈芝受菩薩戒即斷葷酒進修淨業
一家皆服其化二十年不渝初志一日病中請因淨
律師說法忽見佛菩薩衆現前端坐而化

錢唐陳氏媼從靈芝受菩薩戒專心念佛日課千拜
常有舍利散經案上臨終見化佛來迎顧旁人語未
及半已凝然不動矣

武林王氏常誦法華念佛求度。一旦見菩薩大身住
立空中。遂連聲稱菩薩高大。菩薩高大又云。恐女人
足穢。難升華臺。語畢而化。

四明孫氏寡居。齋戒禮誦念佛三十年。不解手製衣
衾。鞋襪施僧。不記其數。一日微恙。見異人立牀前曰。
宜勤精進。又夢八僧遶行。懺室身挂繯衣。隨僧行道。
遂沐浴淨衣。請僧行懺於大眾前。端坐誦經。至一心
不亂。左手結印。奄然而化。遠近皆聞。空中奏樂。

上虞胡長婆李氏。夫喪後。日夜高聲誦彌陀經。凡十
餘年。一旦有僧覆以緋蓋。告之曰。汝今月十五日夜
子時去。問師何人。答曰。我是汝念者。婆遂會別諸親

至時果有異香光明。即端坐而逝。七日火化。齒如雪
玉。舌如紅蓮。睛如蒲萄。皆精堅。不壞。舍利不可以
數。次日焚處。生一華如白嬰粟然。

安吉王氏女。日誦彌陀觀音金剛諸經。念佛求度。母
病亡。既斂。惡血流滴。女發誓曰。若我孝心真實。願臭
氣不生。言訖。流血即止。以舌舐漏處。絕無穢氣。父娶
後室。與同修淨業。女得疾。請僧誦淨土觀法。怨索衣
吉祥。而臥。手攬觀音手中幡。寂然不動。繼母飾灰於
室。以驗受生。見灰中印出蓮華數朵。

錢唐盛氏。日課觀經。誦佛不輟。一日病中。浴畢。面西
問家人云。聞磬聲乎。淨土衆聖且至已。而合掌喜躍。

日佛菩薩已至觀音手執金臺如來接我登座即奄然而化

錢唐沈氏念佛十餘年日加精進命工畫八尺彌陀像病中安設牀前欣然曰我何多幸即請僧念佛相助忽曰見一僧長大披我金座遂奔座前方執錦褥角其座即行恐有障緣望衆更為念佛衆皆勇猛厲聲良久復云念佛功德已登金臺此去不回矣即瞑目而逝

長安姚婆因范行婆勸念佛臨終見佛菩薩來迎婆言未與范婆相別請暫駐少時須臾范至佛尚住空中具言所見勝異執手而化

汾陽約山翁婆每日嗟歎世間無常無一可戀片時必請僧二員永夜念佛翌旦設齋婆手自營辦臨終之夕咸見佛光入室寶蓋覆於庭上婆忽遷化

汾陽裴氏女專心念佛以小豆為數積滿十三石報盡之日索火燒香口云佛以華臺與我今當往生汾陽溫靜文妻病在牀上夫勸令念佛二年不絕聲謂夫曰我已見淨土佛菩薩後月當去至期見金蓮華如日輪

醴泉孟氏女久纏重病沙門勸令念佛三年謂夫曰可急報諸親令來相送暨畢集女焚香與衆念佛見空中執錫沙門曰汝當往生已而佛菩薩至滿華排

空忽然遷化

汾陽梁氏女兩目俱盲遇沙門勸令念佛越三年雙目開明後忽見佛菩薩旛蓋來迎即日命終

念佛道者陳氏隨禪師之母師住廣平普會迎侍方丈東室剪髮為出家相朝夕念佛四衆稱為道者後病中集繙素鳴磬念佛兩日忽合掌瞻像泊然而化明日頂溫面色鮮白師前一日夢母謂曰我見尼師千餘來相召師應之曰此往生之祥言已坐滅面色變白至是果然

吳興陳氏受持齋戒誦法華五千部金剛彌陀諸經各一藏念佛滿三十年一日不食家人問彼何所須

答云欲求見佛言訖右脇而化

會稽胡氏淳安禮阿彌陀佛八萬四千相好者四會偶微疾見佛來迎安庠半逝路人聞空中樂聲隱隱西去

錢唐孫氏女常念佛持咒因病請清照律師至謂曰父病厭世願求往生師為談淨土因緣大喜至夜夢師持藥一盞服之流汗身心輕安三日後語侍人曰迦葉尊者來此好金蓮華座即瞑目而化

仁和郭氏妙圓長齋念佛誦法華彌陀經及二懺常觀落日對想西方忽空中告云郭妙圓決生淨土清照寺律師即共兄輩往寺中建繫念會作百僧聲

莊嚴淨土臨終之際請寺師說法求佛接引即時端坐凝然不動

周行漢家太平州蚤年念佛專注一夕互跪念佛泊然所化鄰人見救曾自渡家山引渡騰空而去

錢唐龔氏晝夜念佛誦彌陀經偶得疾請寺律師指示西歸誰說未終端坐而化老妾平氏亦念佛不輟一夕夢龔氏告曰我已得生矣汝後七日亦當往生至期果逝

嘉禾鍾婆日誦彌陀經十卷餘時念佛二十年為常課一日語其子曰見大白蓮華無數一婦人端正好衣立我前又衆僧在此何以供養予云不見遂無語

端坐從身而化

潮山黃婆持金剛法華專心念佛暑中忽得痢疾但飲水不食鄰菴沙門善修常建念佛會渡病中欲請修修夢婆來謂曰將在西方修未以為異越二日婆西向念佛十聲端坐而化遠近皆見紅霞覆婆之屋雪川朱氏念佛三十年每讀金剛經以為聖賢在此不敢踞坐後忽不食四十日唯飲水念佛先夢三僧入室各執蓮華謂曰我先為汝種此蓮華汝卻歸來既覺喜悅乃請僧念念佛為助即就座而化四明淨心女不知姓刺血自畫佛菩薩三聖像於羅木板凡一千片普散與人上有正信女淨心題云願

所修淨業速獲成就不入母胎化生蓮沼後不知所終

嘉禾周氏適庶氏孫氏同翁婆常時念佛感室中佛像有光如螢或現鮮華或現佛菩薩像三時必聞天樂或空中誦經聲

常熟陶氏寡居常持普門品夢白衣人授以蓮華令食之又夢梵僧授以彌陀經覺即能誦不假師授一夕懷脫光明有彌陀像立經函上每誦經時必於卷上迸出舍利積以成合已上三人一生所勝前若此臨頃氏妙智四明鄞人寡居二女悉令為尼同居楊氏恭老人唯勸念佛晚歲偶疾謂女尼曰多有尼僧相

待西歸乃請人念佛忽曰我欲坐化錯無作棺也女曰佛用金棺無嫌也母喜諷上品觀轉身而西兩手作印微笑而逝忽定六年

沈氏妙智四明慈溪居自幼疏食念佛長歸章氏未半中廢施米貸被以濟飢寒常誦彌陀經為日課一夕微病念佛尤力忽見佛菩薩居士長者擁立目前燈光千點累累然狀如虹橋即日右脇吉祥凝然不動端平二年

往生惡輩傳

長安京姓本為屠因善導和上勸人念佛滿城斷肉京嫉之持刀入寺與殺害意導指示西方現淨土

即回心發願上高樹念佛墮樹而終衆見化佛引天

童子從其頂門而出

天童子即其識神

長安張鍾馗殺雞爲業命終見緋衣人驅群雞至

言啄啄即四面上啄兩目血流痛不堪忍有沙門弘

道見之爲敬像勸令念佛忽覺香氣滿室群雞散去

即端坐化去

長安張善和殺牛爲業臨終見牛數十來云汝殺我

善和告善急請僧即爲說觀經若有衆生作不善業

應隨惡道善友告令至心具足十念稱南無阿彌陀

佛除八十億劫生死之罪即得往生極樂世界善和

大叫云便入地獄也即以左手擎火右手捻香轉身

向西厲聲念佛未足十念即云佛來也已與我寶座

言訖而終

金夷家會稽葉綱息因天華寺利行人結生蓮社蒙

勸念佛頓棄前業日持佛萬聲久之告家人云我已

見佛菩薩至門已見金蓮華來迎我矣即坐竹牀結

印而化遠近皆聞異香

吳瓊家仁和先爲僧因家務還俗兩娶生二子屠酤

庖膾無所不爲遇造食殺雞鴨以手提起唱云阿彌

陀佛子好脫此身去每切肉時口常念佛及教村人

念經修懺忽眼上生瘤如鷄子大常切憂怖乃造草

菴獨居旦夜繫念依昔賢行法發露懺悔一日無病

往諸家言別來日去也次日請道友念佛相助將布
衫換酒飲訖大叫云佛來也即便命終
往生禽魚傳

裴氏鸚鵡唐成都尹韋臯記曰人有鸞鸚鵡者河東
裴氏謂此鳥名載梵經智殊常類常狎而敬之茹告
以六齋之禁及午後非時終夕不食或教以持佛名
號仰首奮翼若善承聽非清晨永夜發和雅音阿彌
陀佛聲聲相續一日有憔悴客訓養者鳴聲預告之
曰將去此而西歸乎每一擊磬一稱佛十聲磬而十
念成數翼委足掉然而絕案牒與十念成待生西方
又云得佛慧者沒有不利遂命火焚之得舍利十餘

粒貞元十九年九月記

長沙鸚鵡元祐間長沙郡人養一鸚鵡俗呼八八兒
者偶見僧念阿彌陀佛即隨口稱念且暮不絕因以
與僧久之鳥亡僧具棺以葬之俄口中生蓮華一
人爲頌曰有一靈禽八八兒解隨僧口念阿彌死埋
平地蓮華發我輩爲人豈不知

天台鸚鵡黃巖正等寺觀師畜一鸚鵡常隨入念佛
後則常念阿彌陀佛不待教道一日立死籠中乃穴
土以葬之舌端生紫色蓮華大智律師爲頌之有立
亡龍闍渾閑事化紫蓮華也大奇之句

劉成魚唐天寶中當塗漁人劉成李暉載魚往丹楊

泊舟浦中李他往劉遵見船上大魚張氣搖首搖阿彌陀佛劉驚奔于岸俄聞萬魚俱跳躍念佛聲動天地劉大恐盡投魚于江李至不信劉即用已財償之明日於教中得錢萬五千計五題云還汝魚直

往生續遺

慧海隋大業時居江都安樂寺專心淨業得齊州道詮所遺無量壽佛像殷勤禮懺像忽放光自是懇求往生愈切一日面西趺坐念佛而化

馬子雲唐時學孝廉為涇縣尉押租綱赴京遇風船溺被繫乃專心念佛五年後遇赦因入南陵山寺持一食齋忽謂人曰吾一生坎軻遂精持內教今西方

業成行當往生安養明日沐浴新衣端坐合掌異香滿室喜曰佛來迎我言畢而沒紀聞

于相唐天后朝任并州錄事書決曹務夜判冥司每知灾咎陰為之備都不形言凡六年丁母艱持金剛經更不復為冥吏至八十四將終忽聞奇香遽謂左右曰有聖人迎我往西方即念佛而沒報應記

魏世子宋時梁郡人奉佛精進唯婦不信女病死七日再省即升高座誦無量壽經下啟父言兒去便往無量壽國兒及父兄池中已有芙蓉大華當生其中唯母獨無不勝此悲故歸啟報語竟復絕母自是亦信法教冥祥記

葛濟之句容人。維川之孫。故世事神仙。妻紀氏存誠。佛法且夜不替。方織之次。見雲日開明。投梭仰望。西方如來。具形幡蓋。映天心。獨喜曰。經說無量壽佛。今得瞻見。便頭面作禮。及引濟之。同瞻尚見半身俄而隱沒。厥後夫婦念佛相繼而化。具祥記

釋文慧居嘉禾青龍詩律高古。與北峯印公爲友。北峯亦好吟。慧奪筆責之曰。吾兄大法柱石。何必爲此。北峯感之。遂折節爲學。卒爲門人。慧專志淨業。至老益厲。臨終聞空聲云。中品中生。

釋慧明號晦菴。學于慧光僧錄。晚依青山常照寺。與至叶修淨業。日課法華楞嚴圓覺持彌陀聖號。以萬

數。慶元己未春示疾。謂弟子曰。吾學大乘。求生淨土。今遂願矣。乃累足坐逝。衆聞天樂西來。裴回頂上。茶毗之餘。五色舍利。不可以計。

釋智康居上虞化度寺。初徧參宗門。晚節一意西方。慶元改元秋八月。晝偈別衆曰。我夢中見阿彌陀佛。大衆圍遶而說法云。諸上善人。當須專修淨業。來生我國。說已即隱。我既見相。往生必矣。即回身西向作坐逝。

李秉紹興中官也。領銜藥院。初學禪。于淨慈輝自得。有省發。脫閤龍舒淨土文。日課佛號。與其子閣長元美殿長林師文等數十人。結淨業會于傳法寺。久之

感疾忽見彌陀佛以金圓光戴其首越七日又見金華滿房乃囑付親眷書偈端坐結印而終
闕邦榮池州人因僧勸修西方持決定往生咒每旦向西一誦千徧或率衆同持如是二十年紹熙元年春偶聞異香連日不消家人夜夢二青衣侍立邦榮之側其子又夢彌陀放光徧照堂宇恣作金色數日面西跌坐課佛忽起曰我去矣行數步舒手結印微笑立化

諸宗立教志第一

佛祖統紀卷三十

達磨禪宗

天宋景定四明東湖沙門

志磐

撰

初祖達磨圓覺禪師

二祖慧可大祖禪師

三祖僧璨鏡智禪師

四祖道信大醫禪師

五祖弘忍大滿禪師

六祖慧能大鑑禪師

直指人心見性成佛至矣哉斯吾宗觀心之妙旨也
謂之教外別傳者豈果外此爲教哉誠由此道以心
爲宗離言說相故強爲此方便之談耳不然何以出
示楞伽令覽教照心邪何以言大乘入道藉教悟宗
邪爲同此宗撰達磨禪宗志覺教照心見本志藉教悟宗見達磨入道四行
初祖菩提達磨南天竺香至王子出家之後遇二十

七祖般若多羅付以大法謂曰吾滅後六十年當往震且行化多羅既亡師演道國中久之思震且緣熟即至海濱寄載商舟以梁大通元年達南海舊云昔有廣州刺史蕭昂表聞詔入見上問曰朕造寺寫經度僧有何功德師曰人天小果耳上曰何謂大乘功德師曰淨智妙明體自空寂如是功德不於世求上曰如何是聖諦第一義師曰廓然無聖上曰對朕者誰師曰不識上不契師遂渡江上後以問誌公公曰陛下還識此人不上曰不識公曰此是觀音大士佛心印上欲遣使召之公曰闍國人去他亦不問云誌公已化去十餘年達磨力至師死入魏止嵩山何云同時今抵要知大綱而已

少林寺終日壁觀考明武泰元年也帝聞師異迹三詔不至就賜摩納袈裟金鉢銀水瓶師面壁九年將示滅命其徒曰時將至矣各言所得乎道副曰不執文字非離文字而為道用師曰汝得吾皮尼揔持曰我今所辭如慶喜見阿闍佛國一見更不再見師曰汝得吾肉道育曰四大本空五陰非有無一法可得師曰汝得吾骨慧可禮三拜依位而立師曰汝得吾髓復額謂可曰世尊以正法眼藏付囑大迦葉展轉傳授以至於吾吾今付汝汝當護持并授袈裟以為法信曰後二百年衣止不傳法周沙界聽吾偈云吾本來茲土傳法救迷情一華開五葉結果自然成又曰吾

有楞伽經是如來心地要門可以照心乃往禹門千
聖寺端坐示滅即大統元年十月五日也門人奉全
身葬熊耳山定林寺明年使者宋雲西域回遇師手
攜隻履翩翩獨遣雲歸為言門人開墳視之唯空棺
隻履師每以大乘入道理行二門以誨學者二門見
唐代宗朝謚圓覺禪師塔曰空觀
與僧傳不同或者謂後人附誌之辭
二祖慧可舊名神光武牢婁氏事達磨六年一日問曰諸
佛法印可得聞否磨曰諸佛法印匪從人得師曰我
心未安乞師安心磨曰將心來與汝安師曰覓心了
不可得磨曰與汝安心竟師作種種說心說性皆不

契一日忽悟曰可以息諸緣矣磨曰其成斷滅否曰
無磨曰子作麼生師曰了了常知磨曰此諸佛所傳
心體更勿為疑滯大統二十一年行化長安帶文之徒
謂是魔語並遭賊斫臂以法御心不覺痛苦以火燒
斫處斷血乞食如故同學林公共護經像亦被斫臂
號咷通夕師為治裹乞食供林謂曰餅食在前何不
自取林怒曰汝不知我無臂師曰我亦無臂後八經
法求初達磨以楞伽四卷授之曰仁者依行自可得
度師告弟子曰此經四世後轉成名相一何可悲師
既傳法僧璨謂曰吾有宿累今當償之遂往鄴都行
化隋開皇十二年於管城正教寺談無上道有和法

師先講涅槃經學徒稍稍引去聽法和丕勝憤乃譏于邑令加以非法師怡然委順而終年一百七塔礎州潞陽縣唐德宗朝追謚大祖禪師

三祖僧璨初以白衣見二祖問曰弟子身纏風疾請師懺罪祖曰將罪來與汝懺師曰覓罪了不可得祖曰與汝懺罪竟宜依佛法僧師曰今見和上已知是僧未審何名佛法祖曰是心是佛是心是法法佛無二僧寶亦然師曰今日始知罪性不在內外中間其心亦然佛法無二祖大器之即為髻髮具戒已畢復告之曰達磨大師以正法眼藏密授於吾吾今付汝及以信衣汝當護持屬周武廢教往來司空山積十

餘年隋開皇初居皖公山傳法道信優游江國大業二年復還舊山為衆說法合掌儼立而逝葬于山谷寺唐玄宗朝追謚鏡智禪師

四祖道信蘄州司馬氏初為沙彌遇三祖問曰願和上與解脫法門祖曰是誰縛汝曰無縛祖曰何為更求解脫師言下大悟既具戒三祖授以衣法武德中居破頭山正觀中太宗三詔令赴京師並以疾辭帝命使者曰若果不起即取其首使諭旨師引頸受刃使回以聞帝彌加敬重就賜珍繒以遂其志師已傳法弘忍永徽二年九月安坐而化塔于東山黃梅寺唐代宗朝追謚大醫禪師

五祖弘忍，蘄州黃梅人。母周氏。歲松道者，訖胎周氏，大業已備載通鑑志。師爲童子於道上，遇四祖，問之曰：「子何姓？」答曰：「姓。」即有不是常姓。祖曰：「是何姓？」答曰：「是佛性。」祖曰：「汝無姓邪？」答曰：「性空。」故無祖默識之。即詣其母，語令出家。既傳法嗣，居東山，咸亨中，傳衣法與慧能。後四年，示寂，塔于東山。代宗朝，追謚大滿禪師。

六祖慧能，新州盧氏采薪養母。嘗入市，聞客誦金剛經，問從誰受。曰：「黃梅忍大師云：讀此可以見性成佛。」能遂辭母至韶州，與劉志略爲友。志略姑爲尼，常讀涅槃師，暫聽即說。尼因問字，師曰：「字即不識義，則任問。」尼曰：「字尚不識，何能達義？」師曰：「諸佛解脫，非關文。」

字尼異之，號爲行者。居人瞻禮，請住寶林。咸亨中，至黃梅，祖問何來。答曰：「嶺南。」祖曰：「欲須何事？」曰：「唯求作佛。」祖曰：「嶺南人無佛性。」曰：「人有南北，佛性豈然？」祖異之，謂曰：「著槽廠去。」乃入碓坊，抱石而舂。經八月，五祖偈衆各述一偈。若語意冥符，則傳衣授法。時衆七百上座，神秀乃於廊壁書偈云：「身是菩提樹，心如明鏡臺。時時勤拂拭，莫遣有塵埃。」師聞之曰：「美則美矣，則未了。」至夜，命童子寫偈。壁間曰：「菩提本無樹，明鏡亦非臺。本來無一物，何假拂塵埃。」五祖知之，夜令人召師告之曰：「佛以正法眼藏，展轉傳授。吾今授汝，非以信衣。昔達磨初至，故傳衣以明得法。今信心已熟。」

衣乃諍端止於汝身勿復傳之師禮足持衣而出通
夕南邁時道明上座聞之即率人追至大庾嶺明先
至師擲衣石上曰此衣表信豈當力爭明舉之不動
乃曰我來求法非爲衣也師曰不思善不思惡正恁
麼時阿那个是明上座本來面目明當下大悟禮拜
問曰上來密語密意外邊更有意旨否師曰我今所
說即非密若反照自己密在汝邊明禮謝而回廣鳳
元年至南海遇印宗法師於法性寺暮夜風颭剎幡
二僧對論一云幡動一云風動師云非風幡動心自
動耳印宗異之請受禪要因出信衣令衆瞻禮印宗
即爲髡髮請智光律師於本寺臨壇授滿分戒此壇

是宋求那跋摩所造堂記云後當有肉身菩薩來此
受戒衆真諦於壇側手植二菩提樹記云百二十年
後有大士於此樹下說無上道師乃坐樹下大開東
山法道宛如宿契明年歸韶州寶林即曹溪也神龍元年
詔師入見師上表辭疾先天二年復歸新州國恩寺
既而示寂弟子奉靈體反葬于曹溪師化韶陽秀化
洛下南能北秀自此而分上元元年肅宗遣使請衣
鉢入內供養永泰元年代宗夢師請衣鉢還山乃遣
劉崇景頂戴而送憲宗朝謚太鑑禪師

述曰六祖之後爲二派一曰青原思思傳石頭遷
其下爲曹洞雲門法眼一曰南岳讓讓傳馬祖其

下為臨濟滿仲是為五家宗孤道一而已而言五其宗者由人世心病益多故治法屢為之變一棒一喝一唱一和機用縱橫殆不可以一律齊猶應病與藥之義汾陽作廣智歌明十五家宗風是蓋示後人以遍參之意可不知乎

賢首宗教

附李長者

初祖終南法順法師

二祖雲華智儼法師

三祖賢首法藏法師

四祖清涼澄觀法師

五祖圭峯宗密法師

長水子寮法師

慧因淨源法師

能仁義和法師

鑑菴之評謂法界觀別為一緣謂五教無斷代分齊

然則若教若觀徒張虛文應無修證之道至若清涼

之立頓頓浪言起勝法華觀師判華嚴為頓頓以天

華嚴是法華也主峯之釋修門未免妄談止觀密師

界觀修字云止觀意謂止觀之云不知是何

止觀若次第者到何位斷何何理若一心者何

位因觀而證何自餘著述矛盾尤多賢首既自立五

位因觀而證何自餘著述矛盾尤多賢首既自立五

觀法則云修之次第如天台止觀清涼既宗賢

首及疏華嚴則引用天台性善性惡三觀三德一念

三千之文然則教欲別其源撰賢首宗教志賢首華

嚴疏所立義門亦各不同

法師法順高年杜氏十八出家師因聖僧道珍受學

定法凡世間孽瘴遇之者必能開能語至於驅國圍

蟲誠惡性馬德及異類所不可測唐太宗詔問朕若

勞熱師之神力何以蠲除師曰聖德御宇微恙矣愛
但頒大赦聖躬自安上從之疾遂瘳因錫號曰帝心
師每遊歷郡國勸念阿彌陀佛著五悔文讚誄淨土
路逢神樹鬼廟即焚毀之正觀十四年十一月十五
日坐亡於南郊義善寺雙鳥入房異香留室塔內其
于樊川北原有弟子謁五臺抵山麓見老人語曰文
殊今住終南山杜順和上是也弟子趨歸師已長往
至今關中以是日作文殊忌齋師著法界觀門一卷
妄盡還源觀一卷專弘華嚴以授雲華智儼儼授寶
首法藏其教遂行

法師法藏其祖康居國

在葱嶺鐵門北境舊音渠

人來居長安藏

年十六詣四明阿育王舍利塔鍊一指誓學華嚴則
天朝為沙彌號名宮禁通天元年詔於太原寺開華
嚴宗旨咸白光昱然自口而出須臾成蓋萬眾歡呼
都講奏其事則天有旨命京城十大德為授滿分戒
賜號賢首戒師詔入大徧空寺佐實又難陀譯華嚴
經聖歷二年十月詔講於佛授記寺講堂京師地皆
震動即日召對長生殿師乃指殿隅金師子謂大經
理深事廣文博義幽非入理聖人無以達其奧是以
立見邊之喻曉無涯之法金况法界體師子喻法界
用其中立為五教一愚法聲聞教二大乘始教三大
乘終教四大乘頓教五乘圓教則天豁然領解乃

著其說爲金師子章唐宗受內禪請師授菩薩大戒
師糞衣糲食誦華嚴三十餘徧楞伽密嚴梵網經起
信論等十部皆爲義疏先天元年十一月終于大薦
福寺贈鴻臚卿葬神和原師既亡弟子慧苑悉叛其
說滅後百年而得澄觀

鎧菴曰愚法小乘不說轉小成行又無別圓被接
及法華開顯則將畢世愚矣始終圓頓四教皆無
斷伏修證分齊至說起信論觀法則云修之次第
如天台摩訶止觀豈非有教而無觀邪

法師澄觀會稽山陰人夏侯氏出家於應天寺諱法
華經十四得度乾元中學律於棲霞禮師受南山行

事於曇一受菩薩戒於常照傳關河三論於玄壁江
表三論之盛始於此大歷初於凡官傳涅槃起信論
終南法界觀法藏還源記復造東京受雜華於大誥
十年從荆溪習止觀法華維摩等疏謁牛頭忠徑山
欽洛陽無名咨決南宗禪法見慧雲明了北宗玄理
此土儒墨竺乾梵書諸部異計四韋五明顯密儀軌
莫不旁通博綜十一年巡禮五臺峨眉俱瞻瑞相還
居京師大華嚴寺專行方等懺法仍誦華嚴大經造
新疏二十軸德宗誕節召誦經內殿以妙法清涼帝
心遂賜號清涼法師紫納方袍禮爲教授和上敕禮
部尚書李誥備禮奉迎與蜀賓般若三藏譯烏茶國

所進華嚴經帝親預譯場一日不至即差僧如比丘
法說欲云皇帝國事因緣如法衆事與欲清淨元和
五年憲宗問華嚴法界宗旨豁然有得敕右司鑄金
印加號大統清涼國師開成三年三月六日示寂壽
一百二歲臘八十三葬終南石室塔曰妙覺師身長
九尺四寸手垂過膝夜目發光晝仍不瞬才供二筆
日記萬言盡形一食宿不離衣歷九朝爲七帝門師
荆溪與江淮四十僧禮覲五臺師領徒萬指出郊遠
迎當時美其尊師之有禮師去賢首百餘年送稟其
旨所著疏記四百餘卷講華嚴至五十徧建無遮大
齋十五會弘法弟子三十八人宰相裴休奉敕撰傳

法師宗密何氏果州人初得法於荷澤五世孫道圓
傳圓覺於漢上得華嚴句義於病僧卽爲他譌清涼
語之曰毗盧華藏能隨我游者其汝乎又嘗答其書
云予之所解猶吾之心轉輪真子誠所謂也師所書
云講雖濫泰學且師安明沐著圓覺華嚴涅槃金剛
指舌之納談當真子之印起信唯識蘭盆法界觀行願品等疏鈔及修證科儀
凡九十餘卷太和九年文宗詔問佛法大意賜紫方
服號大德會昌元年正月六日坐亡于興福塔院謚
定慧塔曰青蓮

義神智曰華嚴諸師不知衆生因理本具諸法但
說果上諸法相卽而已若不談具何能相卽故知

果上依正融通。並由衆生理本者矣。然則一宗所談法門。一曰性體。此當正因。二曰性量。此當了因。三曰性具。此當緣因。具即是假。假即空中。祇一法性。有效。三義會之。彌分派之。常合雖一。一徧亦無所在。當知他宗談乎法性。亦同。今家性體性量。以彼皆云。法性真如。與虛空等。但開第三性具之義。法師子睿嘉禾人。初依洪敏師。學楞嚴。至動靜二相。了然不生。有省。聞瑯邪慧覺道重。當世趨至其門。值其上堂。即致問曰。清淨本然。云何忽生山河大地。覺喝云。清淨本然。云何忽生山河大地。師俯伏流汗。豁然大悟。覺謂之曰。汝宗不振久矣。宜厲志扶持。以報

佛恩。師如教辭去。後住長水。衆幾一千。以賢首宗旨。述楞嚴經疏十卷。行於世。

法師淨源。晉江楊氏。受華嚴於五臺。承遷遷師住金

學合論於橫海。明單還南。聽長水楞嚴。圓覺起信。時

四方宿學。推爲義龍。因省親于泉。請主清涼。復遊吳

住報恩。觀音杭。守沈文通。置賢首院於祥符。以延之。

復主青鎮。密印寶閣。華亭普照。善住高麗。僧統義天。

抗海問道。申弟子禮。初華嚴一宗。疏鈔久矣。散墜因

義天持至。咨決。逸而復得。左丞蒲宗孟撫枕愍其苦

志。奏以慧因易。禪爲教。義天還國。以金書華嚴三譯

本一百八十卷。晉嚴觀二法師同譯六十卷。唐實叉難陀譯八十卷。唐馬茶進本。深觀法

師譯四以遺師為主上祝壽師乃建大閣以奉安之
時稱師為中興教主以此寺奉金書經故俗稱高麗寺元祐三年十
一月示寂塔舍利于寺西北

法師義和賜號圓澄乾道中住慧因遷平江能仁閣
淨土傳錄以華嚴部中未有顯揚念佛法門者乃著
無盡燈以此經宗旨偏讀西方為念佛往生之法見文

華嚴
文類

長者李通玄唐開元七年用新譯華嚴經造釋論四
十卷其立論以十處十會盛談法界與藏師疏旨不
同又以教主請主等十別對勝法華而不知法華是
開權顯實之談不識華嚴是兼別說圓之典故多為

吾宗所斥

長有事見通塞志六卷

慈恩宗教

初祖西天戒賢法師

二祖三藏玄奘法師

三祖慈恩窺基法師

賢師三時之教立義疏闡豈足以收一代之經慈恩
玄奘之作觀心虧闕豈足以通一實之典慈恩之者則
曰此別為一機也當天台之興南三北七為之掃迹
矣豈容慈恩崛起於四海求清之後是不得不議也
撰慈恩宗教志

法師玄奘洛陽陳氏年十一誦通維摩法華時道基
法師化行長安師負笈西遊從受阿毗曇婆沙雜心

論等基贊之曰子遊誦肆多矣未見少年神悟若此
武德中在京師講雜心論以不泥文相爲世所服僕
射舊瑀奏住大莊嚴寺正觀二年上表遊西竺上允
之杖策西征遠逾葱嶺毒風切肌飛沙塞路遇溪澗
懸絕則以繩爲梁梯空而進及登雪山壁立千仞人
持四枝手足更互著崖孔中猿臂而過張騫甘延壽
所未至也過沙河逢惡鬼異類出沒前後師一心念
觀音及般若心經候然退散後山冰雪春夏不解徒
侶凍死者十之四入鐵門峯壁皆鐵即突厥關塞也
所歷百三十國凡如來所化之地泥洹堅固之林降
魔菩提之樹迦路崇高之塔那揭留影之山皆中禮

敬獲寶像舍利貝葉七十五部普山方等之教鹿苑
半字之文馬鳴龍樹諸所著述十八異執之宗五部
殊途之致收羅研究悉得其文雖七例八轉之音三
聲六釋之句無不盡其微妙旣而祇羅國王賜青象
白馬以助馱載十九年正月歸長安留守房元齡備
幢幡鼓吹釋部威儀道俗數萬衆以寶輦迎師二月
至洛陽見上於儀鸞殿時帝行幸洛京尉勞勤至問西域事
迹詔撰西域記山川風俗前史未聞詔就弘福寺與
沙門道宣靈綱等同翻譯二十年上新譯菩薩藏經
顯揚聖教論請上製聖教序二十二年進瑜伽地師
論上親覽歎曰佛教廣大猶瞻天瞰海莫極高深九

流典籍若訂淫方溷濁耳世言三教齊致此妄談也
詔寫新譯經論宣賜九道時天下分九道揔管爲九道展轉流布
詔於京師紫微殿西別創弘法院延師居之選名德
七人以自從對上論道之餘則與衆隨時翻譯上令
翻老子爲梵文以遺西竺師曰佛老二教其致大殊
安用佛言以通老義且老子立義膚淺五竺聞之適
足見薄遂止永徽三年表請創塔於慈恩寺以奉藏
梵本及兩朝御製聖教序上許之仍哀七宮亡人衣
財以助其費顯慶元年皇子生中神光滿室上賜號
佛光王越月表請佛光王出家詔落髮授歸戒進金
心經法衣鉢吳二年帝幸洛陽詔師陪駕便道陳

留改葬二親敕供給葬吳四年以玉華宮爲寺建
先帝詔師居之譯大般若經及四年成六百卷麟德
元年二月四日告衆曰幻泡之質何得久停令衆稱
彌勒願與舍識速奉慈顏遂右脇累足以手支頤凝
然不動帝哭之慟廢朝五日五詔褒恤用佛故事以
金棺銀槨葬于滌東初卧病明藏禪師問疾見二長
人捧白蓮至前曰師從無始損惱有情因今小疾並
得消殄師顧大衆合掌而聽得非譯般若力轉重罪
爲輕受乎初遊天竺手摩門逕松曰吾西求法可被
向西吾若言歸枝可東指旣往枝果西一日忽東指
弟子曰教主歸矣因號摩頂松師至天竺遇龍樹宗

後從其學其徒令服藥求長生方可窮研宗旨師自
念本欲求經想仙術不就有負宿願遂學法記於戒
賢傳唯識宗賢時年一百三歲蒙文殊付託忍死以
遲其賢用三時教一有二空三不空不有起信論雖
出馬鳴久而無傳師譯唐爲梵俾流布五天復聞要
道師之功也

法師窺基代郡人金吾衛將軍尉遲敬宗之子母裴
氏夢吞月而孕六歲聰慧過人頃有五柘指文如印
示成童便能著書初英三藏得童子於西域聰悟絕
倫其撰諸敬宗呼基出拜基使誦所著兵書數千
言基數自童子基誦畢基曰此古書也令童子覆之

不是一字宗大怒以基罔已將殺之英就丐出家因
念義在天竺起歸與之興卜者謂曰師可東歸弟子
生矣識既冥符舉以告宗宗曰此子悍暴豈堪受訓
英曰即君器度非將軍不生非貪道不識宗竟諾之
基怫然曰得不斷欲茹葷血過中食聽此三事乃可
爾并念先以欲鉤牽遂矯許之正觀二十一年奉敕
落髮時年十七住廣福寺稟受并師瑜伽師地唯識
宗旨撰述疏鈔及於百部時號百部論師東行博陵
或請講法華造玄贊大疏十卷永淳元年十一月示
滅於慈恩翻經院御製像讚敕諸寺圖形以祀并葬
于并師之塋

義神智曰慈恩玄贊之釋法華也。都無立行攝法入心成觀等義。專用唯識論定性滅種。以通此經。茲乃徒接權文。用證實教。然其談八識。既實。及轉識成智。束智成身。與夫造業受報等說。厥功為多。

瑜伽密教

初祖金剛智灌頂國師

二祖不空灌頂國師

三祖慧朗灌頂法師

龍門無畏法師

大慧一行法師

持密語。以希顯驗者。非與夫解第一義者。妙心一悟。當座而決。是以絜齊三業。精明軌儀。誦專數言。課充

億萬。積月累歲。而用成無間。重精疊思。而始獲一減也。維茲瑜伽五部之教。一切行果。廣大悉備。而於護國救世。尤為至要。斯蓋佛道顯仁藏用。所以禦外邪。而回不信也。撰瑜伽密教志。梵語。瑜伽。此云。相應。也。一切乘境。行果。所有諸法。皆相應也。

國師金剛智西土人。親傳龍智阿闍梨法。唐開元七年。抵南海廣州。以開詔。入見。館大慈恩寺。夏旱。詔禱雨。結壇圖七俱胝像。約像開目。即雨。閱三日。像目果開。有物自壇布雲。弥空。須臾。霽雨。詔褒之。明年辭。將鴈門。不克。遷居薦福。所至結壇。作灌頂道場。二十年八月。告其徒曰。白月圓。時吾其逝矣。至期。右遶毗盧。

遮那佛像頂安貝葉趺坐而化謚灌頂國師塔于伊

川

國師不空西域人幼隨叔父觀光上國值金剛智從
乏傳瑜伽義智授梵本聲明論旬日成誦前之引入
金剛道場驗以擲華謂為勝已師初求法夢京師像
皆東行寤以問智智曰汝有受道之資吾何靳哉即
授五部及熟悉地儀軌智沒奉遺教西游天竺至師
子國遇龍智受十八會金剛灌頂及大悲胎藏建壇
之法傳經論至五百餘部二十九年自師子國歸至
廣州採訪使劉巨濟請建灌頂壇法感文殊見身度
入千萬天寶元年西域大石康居五國入寇安西召

師入內上親秉香鑪誦仁王護國密語方二七徧
上忽見神兵可五百人帶甲荷戈立於殿庭師曰此
毗沙門天王第二子獨健副陛下意往救安西請設
食以遣之至四月安西奏二月十一日城東北黑雲
中見金甲人丈餘空中鼓角大鳴聲震天地軍人帳
幕間有金鼠齧斷弓弦五國即時奔潰須臾城樓上
見天王形謹圖其像以進驗之即誦咒日也乃敕諸
道於城西北隅置天王像今城樓軍座立天師每禮
必張繡座手持木神誦咒擲之神自立于座四衆環
視兩自瞬動威格踵至肅代兩朝尊為灌頂國師每
以至理開發君上加試鴻臚卿晚年示疾就加開府

儀同三司肅國公食邑三千戶辭不受賜號大廣智
三藏大歷九年六月示寂于大興善寺上廢朝三日
賜祭贈司空謚大辯正廣智塔舍利于舊居師譯經
七十七部諸弟子得誦咒之法者慧朗為最故東夏
以金剛智為始祖不空為二祖慧朗為三祖云不空
弟子有慧果者元和中日本空海入中國從果學歸
國盛行其道

鐵菴曰華嚴頓施別圓則無俟乎密鹿苑專說小
乘則未易用密唯方等般若二時欲轉小成行及
被接入別圓則如來始於此時有顯密二輪之用
若夫法華開顯無小無大俱入一乘殆猶日輪焉

午磬無異影所謂密者尚何施邪自金剛智諸師
為末代機緣有宜密教者故東傳此道以名一家
然嗣其後者功效寔微唐末亂離經疏銷毀今其
法盛行於日本而吾邦所謂瑜伽者但存法事耳
法師無畏者甘露飯王之後也遜國遺榮出家學道
所至說法必有異相至烏茶國演遮那經眾見毗盧
遮那四金字於空中其徑尋丈應是順西土梵書成及過龍
河馳負經竟入水無畏隨之龍王請入宮講法三日
開元四年至長安帝先夢梵僧來謁及寢命工肖形
于壁洎師入對即夢所見者館之西明寺稱為教主
秋旱詔禱雨師以數定為難曰必欲致雨恐龍暴物

使諭曰民苦旱久矣暴風疾雨適足快意即持鉢握
小刃攪之誦密言百過俄有物若蚪矯首出鉢白氣
盈空語使人速歸使回視見密雲如練自譚堂盤空
而上已而震雷風雨飄蕩廬舍彌日方息又以積雨
不止即捏泥爲五媼作梵語向之若叱詈者即刻而
霽譯毗盧遮那彌悉地揭羅等經十餘部弟子寶月
一行皆足受道數求還西上安慰不許二十三年示
滅真體不壞塔于龍門之西山本朝太祖乾德九年
幸洛陽龍門山廣

化寺開無畏三
藏塔瞻敬真體

法師一行張公謹之孫也初從普寂落髮盧鴻一見
奇之謂寂曰此子非君所能模範當從其東請南詢

可也師所至倒屣迎之凡西竺貝葉陰陽緯識靡不
窮究傳密教於金剛無畏結集毗盧遮那經疏登壇
灌頂受瑜伽五部法至國清學曆於老僧初至僧布
筭謂侍者曰當有弟子求吾筭法陰一筭曰門前溪
水西流乃至師突入稽首受訣畢水復東注自是筭
法卓詭開元三年詔入見咨出世法及安國撫民之
道時號天師帝以國祚爲問答曰鑾輿有萬里行社
稷終吉以金合進曰至萬里即開視乃當歸少許耳
祿山之亂上幸成都至萬里橋悟當歸之識洗然忘
憂終吉者至昭宗而絕昭曾封吉王也里媼王氏子
坐罪當死求救於師令捕七穉狎日藏其一於甕封

以六一泥咒之七日，北斗盡沒。大史奏有大變，師勸帝大赦。蠲子遂得免，乃日出。一狹七日而魁杓盡復。師未解，突於燕公座觀王積薪一局，遂為敵手。謂燕公曰：「此爭先法耳。若誦食道四句，棄除語，則人人為國手。邢和璞謂尹愔曰：『洛下閹造曆時云：八百年差一月。』當有聖人之大衍曆出，閹言皆驗。十五年陪駕幸新豐，道病，詔京師十大德結壇祈福。十月八日示寢于華嚴寺，停龕三七日，顏貌如生。塔銅人原謚大慧禪師，所著易論大衍曆，其目在唐書藝文志。」

南山律尊依照律師

始祖曇無德尊者法正，極多尊者弟子，四分律主，南山所宗。

二祖曇摩迦羅尊者法時，西竺沙門，始依四分律，十人受戒，遠承法正。

三祖北瑩法聰律師元魏孝文時，本學僧祇，因考受體首傳四分遠承法時。

四祖雲中道覆律師聰之弟子，最初撰疏，疏科六卷，以釋四分。

五祖大覺慧光律師初從佛陁禪師出家，陁曰：『此子宜先聽律。』是慧基，基智不奉，若初從經論，必輕戒網，由是依覆通四分律撰疏十卷。

六祖高齊道雲律師從光受學，撰疏鈔九卷，判釋廣文。

七祖河北道洪律師從雲受學，亦著疏文。

八祖弘福智首律師稟戒之前，於古佛塔前預祈願，蒙佛摩頂，身心泰然，方知戒戒及尋律部多會其文，從洪受學，撰疏二十卷。

九祖南山道宣律師輕重儀云：先所宗承首律師者。

鹿園初會多士未純以故漸制諸戒用清三業既屢
被彈訶復盛開開顯則世之爲學將有乘急戒緩之
過故於涖洹之夜扶律談常嚴飭來機毋忽學戒是
爲以知常之心持奉律儀非同十二年中偏弘三戒
之學也維南山師遠受佛寄專典毗尼盛述條章深
明持犯所以正爲末代之機宜也入道之士何莫由
斯三學相仍茲爲初步撰南山律學志

律師道宣京兆錢氏母夢梵僧語之曰仁者所懷梁
僧祐律師也處胎彌十二月而生九歲徧覽群書十
二善習文墨十五師日嚴顯公反於倫十六誦法華兩
旬而徹十七落髮二十依首師進具戒三衣唯布常

坐一食武德四年拜依首師學律性好禪那期修正
定顯曰戒淨定明慧方有據始聽未閑持犯焉識七
年徙居終南紆麻蘭若始製行事鈔正觀四年行般
若三昧于清宮精舍經九十日龍化人形禮觀聽法
沙彌染心顧盼其女龍怒欲害之念師教誡頓息惡
心攝毒吐井白師勿飲此水及往視之其井涌沸又
於雲際寺行此三昧前後二十會常感天童爲之給
侍十九年偕樊公翻經弘福筆受潤文推爲上首永
徽元年復居紆麻心勞疾發忽毗沙門天王授以補
心之方今和劑局方有天王補心丹復告師曰時當像末不脩禪
誦但起伽藍恐非比立之正業後在西明寺深夜行

道足跌前階聖者扶足師問何人答曰北天王子那
吒奉命來衛師曰太子威力自在天竺有可作佛事
者願為致之太子即以所寶佛牙授之師夜捧行道
晝藏地穴唯弟子文綱知之師與天神往來言此土
靈蹤西天聖迹計三千八百事隨問隨錄為感通傳
坐夏有切庭生芝草隱居之地水涌白泉操觚續傳
則鴻儒服膺封王築壇則梵僧稱贊捷疾送奇華異
果非人獻甘露名香若此之事不能畢記乾封二年
春天人告師曰師報緣將盡當生彌勒內宮十月三
日衆見空中幡華交列異香天樂天人同聲請師歸
觀彌勒上聞之詔天下寺院圖形奉祀穆宗興讚曰

代有覺人爲如來使龍鬼歸降天神奉事聲飛五
辭驚萬里金鳥西沈佛日東舉稽首歸依肇律宗主
懿宗朝謚澄照師所撰刪定僧戒本一卷今刪定比
立尼戒本卷一注僧戒本卷三戒疏卷四注羯磨經卷二羯磨
疏卷四行事鈔卷三尼戒本卷一比丘尼鈔卷三拾毗尼義鈔
卷三亡物輕重儀章服儀歸敬儀正行懺悔儀新學教
誠儀卷各一法華義苑卷三十釋迦方誌卷二佛道論衡
卷四續高僧傳卷三十後續僧傳卷十廣弘明集卷三十三寶
感通記卷三天人感通傳卷一大唐內典錄卷十
鎧菴曰澄照屢感天神揚推律相參諸異部以四
分爲宗撰述疏鈔破斥諸家但據成實論師之說

以五義分通大乘立為圓宗戒體日本師立又立三種懺法不依方等普賢乃取唯識別教以為末世初心懺重觀法判位太高不無可議

律師允堪賜號智圓慶歷間主錢唐西湖菩提寺撰會正記以釋南山之鈔厥後照律師出因爭論違佛左右衣制短長遂別撰資持記於是會正資持遂分二家

律師元照餘杭唐氏初依祥符鑒律師十八通誦妙經試中得度專學毗尼後與擇映從神悟謙師悟曰近世律學中微汝當明法華以弘四方復從廣慈才法師受菩薩戒戒光發見詳見才法師傳乃博究南山一宗

頤漸律儀常布衣持鉢乞食于市主靈芝二十年衆至三百義天遠來求法為提大要授菩薩戒會幾滿萬增戒度僧及六十會施食饗災應若谷響所至伽藍必為結果每曰生弘律範死歸安養平生所得唯二法門政和六年秋九月一日集衆諷普賢行願品趺坐而化湖上漁人皆聞天樂葬于寺之西北謚大智塔曰戒光常謂其徒曰化當世無如講說垂將來莫若著書乃述資持記釋事濟緣記釋羯磨疏行宗記戒釋住法記釋遺教疏報恩記釋蘭盆疏觀無量壽佛經小本彌陀皆有義疏刪定尼戒本凡百餘卷雜著芝園集二十卷

鑑菴曰。律師以英才偉器。受神悟弘四分之記。斯可矣。而乃別爲觀經述新疏。抗分事理。專接鈍機。廢棄格言。唯任臆說。此草菴輔正不得已。而條攻乏也。至於律家扶新之出。適足以扶不義。以抗義戒之哉。

諸宗立教志第一

